

Leano la Naga la go Ema Kgatlanong le Bonweenwee (NACS)

Leano la Tihabololo la Bosetšhaba: mo Ponelapeleng ya 2030 le solofela go aga setšhaba se se senang bosenyi, se se nang le maitsholong a a siameng mo baaging botlhe e bile go na le puso e e ikarabelang mo bathong ba yona.

NACS e e amogetsweng ke Kabinete ka 18 Ngwanaitseele 2020, e neelana ka letlhomiso le leanotiro la Aforika Borwa e le ka maitlhomiso a go tihola setšhaba se mo go sona:

- tsamaiso ya puso le dikgato tsa go disa dithendara di tlhokomelwang ka leitlho le le ntšhotšho, go na le thwalo ya maikarabelo e e namatshang mme e bile gape e le e e tlhokang lehunelo;
- baagi ba rutiwang ka ga gore bonweenwee ke eng le go matlafadiwa go itse gore ba tsiboge jang fa bo tlhagelela gope fela;
- baagi le babega bosenyi ba rotloediwang go bega bonweenwee, le go tshagediwa le go sirelediwa ka tshwanelo fa ba dira jalo;
- bathankedi ba puso ba rweisiwang maikarabelo fa ba sa rebolele setšhaba ditirelo;
- lekala la kgwebo le mekgatlo ya baagi ba nang le mosolo le go rweisiwa maikarabelo fa ba dira melato epe ya bonweenwee; le
- batho ba phelang ntle le go itshokela ditiragalo dipe tsa bonweenwee mo makaleng otlhe a setšhaba mmogo le go rweisa maikarabelo batho botlhe ba ba amegang mo ditiragalong tsa bonweenwee.

NACS e ikaegile ka molawana wa gore go tshwanetse ga nna le thibelo ya bonweenwee ka bolaodi jo bo siameng, dikgato tsa go tlhoka lehunelo, taolo ya botshepegi le maikarabelo mo setšhabeng, temogo ka bonako ya ditiro tsa bonweenwee go tlaleletsa mekgwa ya tsibogo e e dirwang ke ditheo tsa semolao le mekgatlo e mengwe e e leng kgatlanong le bonweenwee. Setšhaba sotlhe le dikgato tse di momaganeng mo ntweng kgatlanong le bonweenwee di tla thusa go fokotsa kgonego ya go tlhongwa ga dikhomišene tse di tlhwalhwagadimo tsa dipatlisiso, dithothomiso tsa forensiki le ditsamaiso tse dingwe tsa semolao.

Dipilara tsa bothokwa tse thataro tse di latelang ke dintlhakgolo tsa togamaano e:

Pilara	Dikgato tse di tsennngwang tirisong *
<p>1. Seabe sa baagi: Thotloetso le go tiisetša baagi go nna le seabe, go ntsha mosi ka sekhurumelo, go nna le botshepegi le go dira gore Makala otlhe a puso a se nne le lehunelo.</p>	<p>A. Go tshegetsa go nna le seabe ga baagi le go rotloetsa maiteko a tolamisano e ntšhwa ya meono go thibela le go samagana le bonweenwee.</p> <p>B. Go sireletsa le go tshegetsa ba ba ntshang mosi ka sekhurumelo le go ema nokeng maiteko le dikgato tsa go ntsha mosi ka sekhurumelo.</p> <p>C. Go tokafatsa taolo ya botshepegi le go rotloetsa boineelo mo maitsholong a a amogelelang.</p> <p>D. Go oketsa le go matlafatsa bothokwahlelano mo makaleng otlhe mo setšhabeng.</p>
<p>2. Maitsholo a seporofesenele: Kanamiso ya boporofesenele jwa bathapiwa mo makaleng otlhe go tlhatlosa seabe sa bona mo go tlholeng mafelotiro a a senang bonweenwee.</p>	<p>A. Go dira lekala la puso go nna la porofesenele go aga puso e e nonofileng.</p> <p>B. Go oketsa mothamo le botshepegi mo diporofesenele tse di leng bothokwa mo maitekong a twantsho ya bonweenwee.</p>

<p>3. Bolaodi jwa maitsholo le botshepegi jo bo lolameng jo bo disang maemo mo go bona go nang le ditlamorago: Matlafatso ya bolaodi, dikgato tsa go disa maemo le ditlamorago mo ditheong.</p>	<p>A. Go matlafatsa boeteledipele jo bo lolameng mo makaleng otlhe.</p> <p>B. Go matlafatsa dikgato tsa go disa maemo le tsa bolaodi mo lekaleng la puso.</p> <p>C. Go matlafatsa maitsholo le botshepegi jo bo lolameng mo makaleng otlhe,</p> <p>D. Go matlafatsa maikarabelo le tsamaiso ya mananeo mo ditheong tsa makala otlhe.</p>
<p>4. Tsamaiso ya dithendara e e ikanyegang e bile e sena lehunelo: Tokafatso ya botshepegi le boikanyego mo tsamaisong ya dithendara tsa puso.</p>	<p>A. Go matlafatsa dikgato tsa go disa maemo le tiragatso ya molao mo tsamaisong ya dithendara tsa pusong.</p> <p>B. Go tokafatsa dikgato tsa go tlhoka lehunelo le tsa taolo ya tshedimotsetso mo mererong ya dithendara tsa puso.</p> <p>C. Go tshegetsa boporofesenele mo Tsamaisong ya Theko ya Ditirelo le Dithoto.</p>
<p>5. Ditheo tse di maatla tsa twantsho ya bonweenwee: Maatlafatso ya go tlamelwa ka metswedithuso, momagano, tirisano ya boditšhaba, tiragatso, maikarabelo le kemonosi ya ditheo tsa twantsho ya bonweenwee.</p>	<p>A. Go matlafatsa dikamano tsa Aforika Borwa le tirisano mmogo le dinaga tsa boditšhaba mo ntweng kgatlanong le bonweenwee.</p> <p>B. Go tlhoma setheo se se tla golaganyang ditheo tsa go lwantshana le bonweenwee gore se golaganye ditiro tsoatlhe tsa go lwantshana le bonweenwee.</p> <p>C. Go tlamelwa ditheo tsa twantsho ya bonweenwee ka metswedithuso ka go netefatsa mothamo, katiso le tirisano ya mekgwa ya sešweng le badiri go tokafatsa tiragatso ya molao.</p> <p>D. Disa kemonosi ya ditheo tse di bothokwa tsa twantsho ya bonweenwee tse di nang le maikarabelo a go batlisisa le go sekisa dikgetse tsa bonweenwee.</p>
<p>6. Tshireletso ya makala a a ka welwang ke dintelo tsa bonweenwee: Sireletsa makala a a ka welwang ke dintelo tsa bonweenwee le tsa ditiro tse di senang maitsholo le botshepegi jo bo lolameng ka go dirisa dikgatotaolo tse di nonofileng tsa go samagana le matshosetsi.</p>	<p>A. Go dira dithothomiso ka ga makala a puso le a poraefete a a ka welwang ke dintelo tsa bonweenwee.</p> <p>B. Go tsenya tirisong ditsereganyo tse maitlhomiso a tsona e leng go fokotsa kgonagalo ya go dira bonweenwee le go rotloetsa taolo ya botshepegi mo makaleng a a ka welwang ke dintelo tsa bonweenwee.</p> <p>C. Tsenya tirisong kelotlhoko, tshokatsheko le tebošwa ya ditsereganyo tse di tobaneng le dikgatotaolo tse di nonofileng tsa go samagana le matshosetsi mo makaleng a a ka welwang ke dintelo tsa bonweenwee.</p>

NACS e dira tshithinyo ya dithulaganyo tse di tihabolotsweng tsa twantsho ya bonweenwee mo setheong se se tla tlhongwang ka dikgato tse pedi.

Kgato ya 1: Go tsennngwa tirisong ga togamaano ya phetogo ya motheo, go akaretsa dithothomiso, go ralwa ga kgopolo, le go tlhagisa tshithinyo go Kabinete ka ga go tlhongwa ga setheo se se kwa sethoeng go tla diragadiwang ke lekgotlakgakololo la nakwana la makalamantsi, le le tla bidiwang Lekgotlakgakololo la Bosetšhaba la Twantsho ya Bonweenwee (NACAC). Lekgotla leno le tla dira tiro ya lona ka tirisano le dikomiti tse di maleba tsa ditona, dithopho le balekane ba loago. NACS e tshithinyo gore NACAC e tlhongwe ke Moporesitente mme e dire sebaka sa bolelele jwa dingwaga di le pedi kgotsa e phatlhaladiwe morago fela ga gore go tlhongwe setheo sa leruri.

Kgato ya 2: Go tlongwa ga setheo se se kwa sethoeng sa puso se se tlhomilweng go ya ka molao/molaotheo se se tla ikarabelang kwa Palamenteng, se tla dira jaaka mokgwatiro wa kgolaganyo ya maphatamantsi se dirisana le makala a a farologaneng, go ya ka tsela ya naga ya puso yotlhe le setšhaba ya go samagana le bonweenwee. Se tshwanetse go newa leina le le maleba le le tlotlhelediwang ke ditshitshinyo tsa NACAC le ditshwetso tsa makgaolakgang tsa bothati jo bo maleba. Gareng ga tse dingwe, go solofetswe gore setheo se sa leruri, se tla etelela pele go tsenngwa tirisong ga togamaano e ga pakatelele le mananeo otlhe a a amanang nayo.

Go samaganwe le namane e tona ya tiro tebang le go diragatsa dikarolo tsa NACS tse di jaaka tiro ya dipatlisiso ya ga jaana ka *Fusion Centre* e e itsegeng ka gore ke Setlhophatiro sa Twantsho ya Bonweenwee sa maphatamantsi, ditiro tse di tswelletseng tsa go tsaya dikgato ga ditheo tse di farologaneng tsa twantsho ya bonweenwee, tiro ya phokotso ya matshosetsi a bonweenwee a a amanang le matsholo a meento ya *COVID-19*, le dithulaganyo tsa nakwana tse di laolwang ke *NACS Reference Group* le *NACS Steering Committee*.

Tshedimosetso e nngwe tebang le NACS le ditokomane tse dingwe tse di maleba di ka fithelwa mo go www.gov.za/AntiCorruption



Anti-corruption toll-free line 0800 701 701